

մարդուն սուրը իրեն դարձնել, նոյնպես ազատութիւն խոստացաւ այն տաճիկ գլխաւորաց, որ եկեր էին իւր վրայ պատերազմելու. բայց երբ հայոց ազատաց առջին կանգնեցաւ՝ եւ նոցայ մէջ Վասակ Կովակէրն տեսաւ, իւր ահագին ձայնը բարձրացուց եւ գոռաց.

– Դուք, անօրէն անզգամներ, դուք ձեր ազգին դեմ՝ ձեր եղբարց դեմ ձեռք կը վերցնէք եւ ինձմէ գթութիւն կը սպասե՛ք. ճշմարիտ է, որ ես զինաթափ մարդիկ չեմ կրնար սպաննել, իմ սուրս զինուորի է եւ ոչ դահճի, ուստի ձեզ ձեր եղբարց դատաստանին պիտի յանձնեմ: Ահա ժողովուրդը՝ գեղացին կ'ուզայ, ձեզ իրենց կ'ատամ, ինչպէ՛ս կ'ուզէն թո՛ղ ընեն, կ'ուզէն ձեզ սպաննեն, կ'ուզէն ձեր կեանքը շնորհեն... Իսկ դու, Վասակ, նախատինք Արծրունեաց, Մերուժաններու վիժեալ, որ եւ ոչ մատնիչ եւ դաւաճան լինելու չափ ուղեղ ունիս, քեզ կը շնորհեմ քու այդ անպիտան կեանքը, վասնզի ապուշ ես եւ ցնորեալ: Չնա՛ Կայէնի թափառական կեանքը՝ վարե, խաղալիք եւ նշաւակ եղիր ամենուն. վասնզի զօրավար Վասպուրականի ինքզինքդ անուանելէն վերջ այդ միայն կը պակսեր, որ Վասպուրականի արիւնարբու թշնամեաց հետ միաբան՝ գայիր քու ազգիդ դեմ անպիտան զենքերդ շարժէիր:

Նոյն միջոցին կը հասնէին հայ գիւղացիք իրենց խառնիխուռն զինուորութեամբ եւ զինուք. թեպէտ վրեժ եւ կատաղութիւն իրենց աչաց մէջ կը փայլեր՝ բայց երբ տեսան Գուրգէն, որ արդէն ամեն բերան Վասպուրականի փրկիչ կ'անուանէր, մոռցան իրենց դառնութիւնը եւ միաբերան սկսան աղաղակել. «Կեցցե՛ Գուրգէն, կեցցե՛ մեր ազատարարը»: Իսկ Վասպուրականի ազատաց խումբին դաւաճանք այն միջոցին Գուրգէնի մօտեցած իրեն գթութեան կ'ապաւինէին, որ չի մատնէ զիրենք ժողովրդեան կատաղութեան: Գուրգէնի սիրտը փափուկ էր նոյնչափ՝ ինչչափ խիստ էր բազուկը: Ուստի ներեց եւ հրամայեց անվնաս արձակել: Եւ դառնալով Բուղայի զօրավարին՝ ըսաւ.

– Չնա՛ զրուցէ քու տիրոջդ, որ ես աւաւակներէ եւ երկոտանի գազաններէ կը մաքրեմ երկիրը, օրինաւոր տերանց հնազանդիլ